



Broj: 10/1-34-456-6/22

Datum: 08.02.2024. godine

Na osnovu člana 31. stav (4). Zakona o visokom obrazovanju – prečišćeni tekst („Službene novine Tuzlanskog kantona“, broj: 21/21, 22/21, 5/22, 11/22 i 16/22) i člana 27. stav (1) Pravilnika o postupku akreditacije visokoškolskih ustanova i studijskih programa („Službene novine Tuzlanskog kantona“, broj: 2/22), u postupku rješavanja po zahtjevu JU Univerzitet u Tuzli za klastersku akreditaciju studijskih programa prvog i drugog ciklusa studija Pravnog fakulteta Univerziteta u Tuzli, ministarstvo obrazovanja i nauke Tuzlanskog kantona (u daljem tekstu Ministarstvo) donosi:

R J E Š E N J E **o akreditaciji studijskih programa**

1. Akredituju se studijski programi prvog i drugog ciklusa studija Pravnog fakulteta Univerziteta u Tuzli, i to:

- Studijski program iz područja prava – I ciklus
- Studijski program iz područja prava – II ciklus

2. JU Univerzitet u Tuzli je ovlašten da dodjeljuje akademske titule, zvanja i izdaje diplome koje se stiču izvođenjem studijskih programa iz tačke 1. ovog rješenja na ovoj ustanovi.

3. Rješenje o akreditaciji izdaje se na period od pet godina.

4. Obavezuje se JU Univerzitet u Tuzli da najkasnije šest mjeseci prije isteka roka iz tačke 3. ovog rješenja podnese zahtjev za ponovnu akreditaciju studijskih programa.

5. Ovo rješenje stupa na snagu danom donošenja.

O b r a z l o ž e n j e

JU Univerzitet u Tuzli je podnio Ministarstvu zahtjev za klastersku akreditaciju studijskih programa prvog i drugog ciklusa studija Pravnog fakulteta, aktom broj: 01-134-1/23 od 10.01.2023. godine, i to za studijske programe: Studijski program iz područja prava – I ciklus i Studijski program iz područja prava – II ciklus. Podneseni zahtjev Ministarstvo je zaprimilo pod brojem: 10/1-34-456/23 od 11.01.2023. godine. Ministarstvo je nakon toga dokumentaciju dostavljenu od strane JU Univerzitet u Tuzli aktom broj: 10/1-34-456-1/23 od 11.5.2023. godine, koji je naknadno dopunjen aktom broj: 10/1-34-456-4/22 od 24.07.2023 godine i aktom broj: 10/1-34-456-5/22 od 30.8.2023. godine, dostavilo Agenciji za razvoj visokog obrazovanja i osiguranje kvaliteta BiH (u daljem tekstu: Agencija) sa prijedlogom za imenovanje članova Komisije stručnjaka za klastersku akreditaciju studijskih programa prvog i drugog ciklusa studija Pravnog fakulteta Univerziteta u Tuzli (u daljem tekstu: Komisija).

Nakon što je Agencija utvrdila da se predloženi članovi Komisije nalaze na Listi stručnjaka iz člana 48. alineja 3.) Okvirnog zakona o visokom obrazovanju u Bosni i Hercegovini („Službeni glasnik BiH“, br. 59/07 i 59/09 u daljem tekstu Okvirnog zakona), te da je predloženi broj i sastav Komisije u skladu sa Odlukom o normama kojima se određuju minimalni standardi u području visokog obrazovanja u Bosni i Hercegovini („Službeni glasnik BiH“, broj 100/11 i 26/19), Agencija je u skladu sa članom 49. alineja 4) Okvirnog zakona, imenovala Komisiju Rješenjem broj: 05-33-1-235-6/23 od dana 10.10.2023. god.

Komisija je u skladu sa Planom i programom posjete predmetnoj visokoškolskoj ustanovi, realizirala posjetu 16. i 17.11.2023. godine te nakon toga sačinila Izvještaj o eksternoj evaluaciji.

Dana, 06.01.2024. godine Agenciji je dostavljen Izvještaj Komisije domaćih i međunarodnih stručnjaka za ocjenjivanje i reviziju kvaliteta i davanje preporuka o akreditaciji klastera studijskih programa prvog i drugog ciklusa studija Pravnog fakulteta Univerziteta u Tuzli (u daljem tekstu: Izvještaj).

U skladu sa Odlukom o normama, Komisija je ocijenila ispunjenost svih deset kriterija kao potpuno ili znatno ispunjeni, za studijske programe:

- Studijski program iz područja prava – I ciklus
- Studijski program iz područja prava – II ciklus

JU Univerzitet u Tuzli bi trebao po prijemu Rješenja o akreditaciji svakog studijskog programa detaljno analizirati preporuke Komisije stručnjaka i napraviti Akcioni plan u skladu sa propisima nadležne obrazovne vlasti i Odlukom o normama. Akcioni plan treba da obuhvati imenovanje odgovorne osobe za pisanje, provođenje i praćenje realizacije Akcionog plana sa jasno definisanim odgovornostima, vremenski okvir za realizaciju preporuka kao i potrebne finansijske i ljudske resurse, te definisane mjerljive indikatore za praćenje realizacije Akcionog plana.

Na osnovu Izvještaja i mišljenja Komisije da studijski programi prvog i drugog ciklusa studija Pravnog fakulteta Univerziteta u Tuzli ispunjavaju propisane uslove za akreditaciju, direktor Agencije za razvoj visokog obrazovanja i osiguranje kvaliteta BiH dao je Preporuku o akreditaciji broj: 05-33-1-235-9/23 od 15.01.2023. god. i istu dostavio Ministarstvu na daljnje postupanje.

Na osnovu naprijed navedenog, Ministarstvo je cijeno da su ispunjeni svi propisani uslovi za izdavanje akreditacije za predmetne studijske programe podnositelju zahtjeva, te je donijelo odluku kao u dispozitivu.

Pravna pouka: Rješenje o akreditaciji je upravni akt protiv kojeg nije dopuštena žalba, ali se može pokrenuti upravni spor pred nadležnim sudom.

DOSTAVLJENO:

- 1 x JU Univerzitet u Tuzli
- 1 x Agenciji za razvoj visokog obrazovanja i osiguranje kvaliteta BiH
- 1 x Evidencija
- 1 x a/a
- EM



MINISTAR

Ahmed Omerović
dr. sc. Ahmed Omerović